



Шогшо эл, порымлык да гимн берг!

10-шо (3450) №,  
2020 ий 7 март,  
шуматкече.

# Будь готов/ ЯМДЕ-ЛИЙ

1933 ий 1 февраль годсек лектеш.

0+

## Фотопроект



Л.ГРИГОРЬЕВАН фотожо.



Кристина Чеботарь (10-шо кл.), Александра Морозова (11-ше кл.), Валентина Кушакова (11-ше кл.). Александра шочмо марий йылме, а мольшт марий литератур дене шинчы-машыштым олимпиадыште тергеныт. Ёдыр-влак марий йылме ден литературым тунуктышышт З.А.Волкован, ача-аваштын ёшаныштым суленыт: ондак районышто, вара республикыште икымше верыш лектыныт. Регион-влак кокласе олимпиадыштат чылам ончылтеныт, эн шуко баллым погеныт.

## Лудса:

Звенигово район  
Памашсола ялыште илыше  
Валерьяновмыт еш  
поянлыклан мом  
шотла? **3**

8 Март пайрем  
дене ава, кова,  
ака, шўжар-влакым  
юнкорна-шамыч  
саламлат. **4-5**

Лумчинче, Алкече,  
Унчовий, Окавий лўман  
Ўярня кува-влак кушко  
унала миеныт? **6**

«Зентангл» технике  
нерген пален нал да  
сўретлен ончо. **7**

Андрей Мшаров  
йолташыж дене  
кугешна. **8**

**ПОДПИСКЕ** Электрон  
подпискы-  
лан 89024668399 телефон  
номерышке оксам пышты-  
ман, yamde\_lii@mail.ru адре-  
сыш лўмнердам возен кол-  
тыман. Ак - 150 тенге.

Рекламе.

Фотошто: Советский  
район Ёшнўр школышто  
тунемше-влак Людмила  
Гребнева (9-ше кл.),

## Икымше полыш

Фотом школын архивше гыч налме.



**21**  
февраль – Россиясе фельдшер-вракын кечышт.

шым пуаш кўлын. Ме, сай шинчымашым ончыктен, икымше верым налынна. Мемнам ОБЖ урокым да физкультурым тунуктышо Л.Н.Семёнова ямдылен.

Марий Турек район.

Диана СЕМЁНОВА.

Тиде кече лўмеш Марий Турек посёлкышто «Икымше полыш» тагасымаш эртаралтын. Тушто шым команде тагасен. Нунын коклаште Арбор школан командыжат лийын. Эмганыше еглан 15 минут жапыште полышым пуаш кўлын.

## Россий увер

Россий Президент В.В.Путин да Моско олан мэрже С.С.Собянин 29 февральыште «Остров мечты» каныме паркым торжественно почыныт. Парк рўдолан кечывалвелныже верланен. Леведыш йымалысе тыгай кугу парк Россияште икымше. Тудым Америкысе Диснейленд дене тагастарат. Жапым веселан эртараш 27 аттракцион, 9 тематический площадке, 44 гектар ландшафт парк, 3500 веран концерт зал, 14 мультиплекс зал да 150 утла кевыт улыт. 120 кумдан палыме олан тўсшым ужаш лиеш.

## Йылме – пўрымашлан негыз

Марий Элыште Всероссийский олимпиадын регионсыо этапше мучашлалтын. 28 февральыште пытаргыш тергыме паша шочмо марий йылме да литератур дене лийын. Регион-врак кокласе олимпиадыште Марий Эл, Татарстан республика, Пошкырт да Свердловск кундемла гыч 20 тунемше ушакылжым терген.

– Чаманаш логалеш, тунемше-враклан марий литератур дене творческий усталыкыштым ончыкташ теней йонлийын огыл. Йодыш-вракым тыге келыштарыме. Пытарыш жапыште Татар-



стан Республик гыч толшо ўдыр-рвезе-врак келге шинчымашым ончыктат. Тиде мемнам куандара, – оила жюри председатель Г.Н.Бояринова.

Марий йылме дене сенгышыш лектыныт: 9-ше класс – Дарья Захарова (Волжский, Карай); 10-шо класс – Юлия Исаева (Татарстан, Агрыз, Буймо); 11-ше класс – Александра Морозова (Советский, Ўшнўр).

Л.ГРИГОРЬЕВА.

Всероссийский олимпиадын регионсыо этапшытыже 22 предмет дене 761 тунемше шинчымашыжым терген. 55 образовательный организаций гыч 204 ўдыр-рвезе сенгыше да призёр радамаш лектын. Иктешлыше этап 20 март гыч 30 апрель марте Россияын 9 регионшытыжо эрташ тўналеш.

Марий Эл Республикысе образований да науко министр



Н.В.АДАМОВАН мутшо почеш, теней 3106 выпускник единый кугыжаныш экзаменым куча. Могай предметым ойырен налыт? Ончалза. Обществознаний – 1483 тунемше; физике – 1200; биологий – 736; историй – 526; информатике да ИКТ – 232; химий – 510; литератур – 183; географий – 106. Руш йылме дене чыла выпускник тергыме пашам воза.

Йоча да самырык-враклан В.Х.Колумб лўмеш республикысе книгагудышто (Йошкар-Ола, Эшкинин урем, 10) Сенымашлан 75 ий теммылан пўлеклаттыше шанче-практике республикысе конференций 19 мартыште 10 шагатлан тўналеш. Конференцийыш ушнаш йодмашым rdub\_mo@mail.ru адресышке 12 март марте колтыман.

12-13 мартыште Юл кундем федерал округысо тунемше-врак V Интеллектуал олимпиадын окружной финалышыкыже Йошкар-Олаште погынат. 14 регион гыч 168 тунемше толеш. Удыр-рвезе-врак «Программирование», «Робототехника», «Решение изобретательских задач» тагаслаште да «Мо? Кушто? Кунам?» модышышто ушакылыштым тергат.

16-19 июлышто Виче кундемыште «Гринландия» авторский муро всероссийский фестиваль эртаралтеш. Фестиваль кышкарыште «Я люблю тебя, жизнь!» социальный видеоролик конкурс лиеш. Тушко 8-18 ияш-врак ушнен кертыт. Йодмашым 31 март марте пуыман. Иктешлымашым 30 апрельыште ыштат. Тўрыс уверым [grinlandia.ru](http://grinlandia.ru) сайтыште ончыза.

2

«Ямде лий» 2020 ий 7 март

**Е**ш – поянлык, маныт. А ешыште поянлык – тиде йоча. Звенигово район Памашсола ялыште илыше Валерьяновмыт чынжымак поян улыт. Нуно вич икшы-вым ончен куштат. Кокыт-шым ашнаш налыныт. Марина Борисовна тулык да ача-ава деч посна кушшо йоча-влаклан Морко район Октябрьский интернат-школышто тырша. 2018 ий марте воспитатель сомылым шуктен, кызыт книгагудышто тырша. Пелашыже Александр Викторович тысе котельныйште операторлан ышта.

– Ме эре йоча-влак пелен лияш тыршена. Пырля пүртүсыш лектына, понгым, емыжым погена. Каникул, каныш годым Йошкар-Оласе театрыш, тоштерыш коштына, – ойлат ача-ава.

Валерьяновмыт еш суртышто лектын шогышо пашам пырля да писын ышта. Кугу ешыште сомыл эре уло. Ушкалым, лудым, комбым ашнат. Пакчасаскам лынг шындат. Эрге-влак мотоблок денат пашам ыштат. Парентым пакча гыч нунак шупшыктеныт. Уло чоным икшывылан пöлеклыше ача-ава йочам чын корныш шогалтыме верч чот тыршат. Изинек еным пагалаш, кугуракын мутым колышташ туныктат.

– Ача-ава деч посна

кушшо, тулык ўдыр-рвезе-влак дене тынар ий пашам ыштен, кажныже шкемын икшывемла чучеш, – ойла Марина Борисовна.

**Э**мил ден Элина иза ден шўжар улыт. Нуным эн ончыч мөнгö каныш кечылан налыныт. Эмил ден Элиналан пырляште лияш келшен. Валерьяновмыт еш, жапым шуйкалыде, документым поген, икшыве-влакым ашнаш налын. Тыге кок йоча у ешым муын. Эмил 15 ияш. Тудо Звенигово ра-

## Кок буква — уло тўня



йонысо Керебеляк школын 9-ше классыштыже тунемеш. Музыкаым йöрата, семым келыштаращ тырша. «Икмынар ий гыч тудын возымо мурым колышташ тўналына чай», – шыргыжеш самырык ава.

Элинат – ты школын тунем-



шыже, 8-ше классыште шинчымашым пога. Тудо тамле кочкышым ышташ мастар. Каныш кечылаште тутло сий дене уло ешым куандара. Кирилл ден Настя Морко районысо Коркатово лицейыште тунемыт. Эрге изинек техникылан шўман,

ўдыр врач лийнеже. Эн изиже – София, 6 ияш. Памашсоласе йочадыш коштеш. Иза ден ака-шамыч деч нимынярат почеш ынеж код, чыла вере шуаш, чыла пален налаш тырша.

**К**ажне йоча илышаш. Кажне икшывын ача-аваже лийшаш. Нуно изинек йöратымашым, пагалымашым,

порылыкым шижын кушпаш улыт. Тунам веле илышым умылышо, еным пагалыше айдеме кушкыт. Тыгай шонымаш дене самырык мужыр йочам кушта.

**Е.ИВАНОВА.**


Фотом еш архив гыч налме.

## Кугу еш – куан да пиал

Мый кугу да поро ешыште кушкам. Ешыштына авай, ачай, мый да кок шольым, Максим ден Егор, улына. Авам йочадыште пашам ышта. Тудо мыланем эре полша, чыла йодышлан вашмутым пуа, южгунам шылтален налеш. Мыят тудлан эре полшаш тыршем. Максим ден Егор шольым-влакым йöратем. Ме эре пырля модына, урмыш пырля коштына, книгаг лудына. Мыйын шонымаште, ешыште тыгай келшымаш – эн кугу пиал.

**Катя ОРЛОВА.**

Медведево, Шойбулак.



## Лач пырляште весела


Мемнан ешна изи огыл: чылаже визытын улына. Ачам ден авам ялысе тўвыра пöртыштö пашам ыштат. Акам дене коктын школыш тунемаш куанен коштына. Изи шольына йочадыш кажне кечын вашка. Кастене иквереш погынен мутланен шинчена. Кажне шке пашаж нерген каласкала.

**Илья АНДРЕЕВ.**

Кужәгер, Тошто Йўледўр.

«Ямде лий» 2020 ий 7 март

3



## Удырамаш-влакын тўнямбал кечышт.

### Шыма авам

Ешыштына ныл ег уло: ачам, шольым, мый да шыма аваем. Авамын лўмжө – Галина. Тудо школышто пашама ышта. Пашаже моткоч шуко. Яра жапым пырля эрта-рена. Йошкар-Оласе кино-театрыште, музейыште лияш йоратена. Ялыштак илыше ковам ден кочам дек унала каена. Южгунам мўнгыштö тамле кочкышым ыштена. Шольым дене коктын аваланна полшена.

А ачамже кузе чот куана!

Кажне гана аваем эре иктаж-мом

ум шонен луктеш. Сандене тудын дене пырля эреак весела. А южгунамже, нойымекше, кунам авам каналташ шинчеш, шольым дене кок вел гыч чот-чот ондалына. Тунам авам пеш йывурта.

**Матвей САДОВИН** туныктышыжо **З.В.Лебедев**ан полшымыж дене возен.

Оршанке, Кугунур.



Аваем

*– пеш поро, ныжыл, шыма да эн лишыл айдеме. Мый тудым пеш чот йоратем, аклем да пагалем. Тек шыма аваем эре пеленем лиеш!*

### Пөлекым ямдылат

Кандашымше март кечым Куанен вучем. Сылне, сай пөлекым Авамлан ямдылем. Каласкалат почеламутым, Открыткым сўретлат. «Визытан» отметкым налын, Аваштлан пөлеклат.

**Ксения БУТЕНИНА.**  
Морко, Эгерсола.

Люсям паспортшыкыже кузе возат?

Болгарийын рўдолаже могай ўдыр лўмым нумалеш?

Спорт дене кылдалтше ўдыр лўмым палыза.



### Марьяна шўжарем

Мыйын кок ияш Марьяна шўжарем уло. Тудо кажне кечын школ гыч толмем вуча, авам дене вашлияш лектыт. Ме тудын дене пырля урокым ыштена. Марьянан шкенжын тетрадыше, книгаже, ручкаже да пенал тич карандашыже улыт. Кастене тўрлö модыш дене модына, курчак-влакклан мотор вургемым чиктена. Ачанан кастене толмашешыже авалан кас кочкышым ямдылаш полшена. Школышто улмем годым Марьяна авамын да ковамын йырышт пöрдеш.

**Ульяна КОСТРОМИНА.**  
Кужэгер, Шўдымарий.

### Пайрем дене!

Аваем – Ирина. Кумло ийымат темен огыл. Кидше пушкыдо-пушкыдо. Кочкышым ышташ пеш мастар. Мыланна веле огыл, родо, пошкудо-шамычланат чот келша.

– Ой, пеш тамле-е-е, – манын моктат.

Авайым пайрем дене саламлем. «Таза лий», – манам.

**Юлия ИВАНОВА.**



Авамын лўмжө – Тачана. Лўмжат сылне, авамжат мотор. Тый мыланем кавасе шўдыр гай улат, аваем.



**Настя СЕРГЕЕВА.**

Мыйын тўн эгертышем – авам. Тудо кечкунамат полшаш ямде. Теве урокым ыштыме годымат авам эре полша. А вара пырля веселан тўрлö модыш дене модына.

**Милана ИВАНОВА.**

Морко, Коркатово.

Ава

Поро, ласка.

Шымата, ырыкта, йöрата.

Туддеч посна кузе илет?

Суксо.

**Юлиана КУРОЧКИНА.**

Параньга, Матародо.

*Авам нигунам от ондале, Чыжыл чонжо пеш писын шижеш.*

**Вера БОЯРИЧОВА.**



Точко-влакым ушен, сўретым чиялте.



**Володя ЯМБАШЕВЫН**  
сүрөтшө.

**Волжский, Пётъял.**

### Ковам деке унала

Каныш кечын авам дене ковам деке унала миенна. Кована мемнам шокшын вашлийын. Ме түрлө сомылкам ышташ полшенна, а тудо тамле когыльо дене мемнам сийлен. Вес ковам декат пурен лектынна. Тушто мый Туман пий дене модынам. Мый ковам-влакым пеш пагалем да йоратем. Пайрем дене саламлем. Ковам-влаклан тазалыкым тыланем.

**Антон МАСЛЕННИКОВ.**  
**Марий Турек, Сысоево.**

### Уста кидмастар

Авамын лүмжө – Альбина. Тудо кевытчылан пашам ышта. Мый тудым умылаш да ойжым шукташ тыршем. Авам – тале кидмастар. Авамым Ёдырамаш кече дене саламлем. Пенгыде тазалыкым, кужу ўмырым да пиалым тыланем.

**Дарина ШАМЕЕВА.**  
**Татарстан, Агрыз, Пелемеш.**

### Марла кутыраш туныкта

Диана дене ме икымше класс гычак палыме улына. Тудо ошалге ўпан, күрен шинчан, изирак капан мотор ўдыр. Йолташ ўдырем чаткан чия, сайын тунемеш. Мыйым марла чын кутыраш да возаш кажне кечын туныкта. Кумылжо пеш поро. Ўшанем, ме эре келшен илаш тўналына.

**Диана ШАЙМАРДАНОВА.**  
**Шернур, Марисола.**

### Эн шерге

Эн чот шерге, эн чот сылне,  
Эн мотор мыйын авам!  
Иктым тыйым, иктым веле  
Эн чот мые йоратем!  
Лий тыгаяк эре ныжыл,  
Ит кошт йосым шонкален.  
Ну а мыйже кушмо семын  
Эреак полшен шогем.

**Костя ШЕХУРДИН.**  
**Шернур, Кукнур Купсола.**

### Лий кужу ўмыран!

Мый ковамым йоратем,  
Тудым пеш чот пагалем.  
Иквереш ме илена,  
Шерым, кочым пайлена.  
Ковайнам чаманена,  
Ковайлан ме полшена:  
Икте вўдым нумалеш,  
Весе кўмыжым мушкеш.  
Кована моткоч мастар:  
Межым тудо шўдыра,  
Мотор тувырым урга,  
Сорал пеледышым кушта.  
Ах, ковай, ковай, ковай!  
Тый улат нигө деч сай.  
Лий таза, эн пиалан  
Да кужу-кужу ўмыран.

**Юлия УСОВА.**

**Марий Турек посёлко.**



Авай! Ёдырамаш пайрем дене саламлем. Пиалым, тазалыкым, куаным тыланем. Тый мемнан верч тулыш-вўдыш пураш ямде улат. Тау тылат, шергаканем!

**Юлиана БАЙГУЗИНА.**  
**Медведево, Руэм.**

**Снимкыште:**

Юлиана – ава  
дене  
пырля.



### Мастар кид



Ава, кова-влаклан тыгай пеледышым ыштыза.



### Төрлане, авай!

Мыйын авамын лүмжө – Салика. Тудо фермыште пашам ышта, ушкалым лўшта. Мый авамлан кочкаш шолташ, кўмыж-совлам мушкаш, пўртым ўшташ полшем. Но кызыт авам тупшым эмгатен. Сандене пашаш каен ок керт. Мый авамым пеш йоратем. 8 Март дене саламлем. Авам писынак төрланыже манын шонем.

**Николай МАЛЫШКИН.**

**Звенигово, Кужмара.**

# Ўстелын озаже – мелна

Лумчинче, Алкече, Унчовий, Окавий дўман Ўярня кува-влак телын пытартыш кечынже Волжский район Пётъял школышто йоча Ўярня пайремыште лийыныт.

Тушко Морко район Унчо школысо, Коркатово лицейысе, Волжский район Кугу Корамас, Упшер, Сотнур, Карай, Советский район Ўшнўр школласе тунемше-влак чумыргеныт. Шым еган командевлак «Марий йўла» квест-модмаште ушакылыштым тергеныт. Салмавондо, ече, вўдвара дене ўчашеныт, канатым шупшыныт, курык гыч мунчалтеныт.



Ўяча (Рауль Гарифулин) да Мелна (Эльвира Петрова) пайремым сўрасареныт.



Мелнаже-е могай гына лийын огыл! Команмелна, Вўргече мелна, Онар мелна, Ўян мелна. Чурий семын сўрасарыме, мотор тувыран, пўрт семын опытмо да моло. Тутло мелна пуш да пайрем шўлыш тунемше, уна-влакын чонышкышт шошо кумылым пуртеныт.

## Сенгыше-влак:

**«Ўярня мелна»:** 1-ше вер – Пётъял школ, 2-шо вер – Унчо школ, 3-шо вер – Сотнур школ.

**«Марий йўла» квест-модмаш:** 1-ше вер – Ўшнўр школ (ўлыл снимкыште), 2-шо вер – Унчо школ, 3-шо вер – Пётъял школ.

**«Калык модмаш»:** 1-ше вер – Унчо школ, 2-шо вер – Карай школ, 3-шо вер – Упшер школ.

**«Ўярня кува»:** 1-ше вер – Унчо школ (снимкыште), 2-шо вер – Коркатово лицей, 3-шо вер – Кугу Корамас школ.

## Сценарийым ямдылымаште

Пётъял школын туныктышыжо Н.А.Самосадкина ойыртемалтын. Тудо икымше лийын.

Кокымшо вер дене Унчо школын туныктышыжо Л.К.Игнатъева палемдалтын. Кумшо верыш Звенигово



район Шолэнер «Родничок» йочасадын воспитательже А.В.Матвеева лектыт.



Моло фото-влакым [https://vk.com/yamde\\_lii](https://vk.com/yamde_lii) тўшкаште ончыза.

Вўдвара дене ўчашымаш годым.



«Ямде лий» 2020 ий 7 март

Е.ИВАНОВА.

Авторын фотожо-влак.



**Петардым ен  
коклаште  
ида кышкылт!**

Лүдкыио  
ситуаци-  
йышке  
логалында,  
корно  
тутка-  
рым, пожа-  
рым, прес-  
туплени-  
йым але  
обществен-

ный поряд-  
кым пудыр-  
тымашым  
шекланенда,  
медицине  
полыш  
күлеш гын,  
«112»  
номер дене  
йыңгыр-  
тыза.



**Шырпе дене  
ида мод!**

### ЗЕНТАНГЛ.

Тиде ойырте-  
малтше техни-  
ке дене сү-  
ретлаш шу-  
керте огыл тү-  
нгалыныт. Ту-  
дым 2006  
ийыште аме-  
риканец Рик  
Робертс ден  
Мария Томас  
шонен лукты-  
ныт. Нуно сүретым кеч-кушто да кеч-могай кагазеш сүретлаш лиш маныт. Зентангл кок мут гыч шога: «зен» («дзен») – шонаш таратыше ужаш, «тангл» – узор-влакым ушен, орнаментым сүретлымаш. Мутлан, тумнан кышкаржым кагазеш сүретлаш да, түрлө узорым (тангл) кучылтын, тудым сөрастараш. Тиде технике шинча дене ончалын висымышым (глазомерым) виянда, кидым лывырта, узорым келыштараш туныкта.



*Сүретлен ончыза.*

**Е.ИВАНОВА** ямдылен.

**7 март – Телефон аппа-  
ратын почмо кечы-  
же.**



### Пүртүсыштө канем

Телым колым кучаш йөра-  
тем. Лывырге игечыште кол  
чўнга. Палем, ий рож гыч  
нунылан шўлаш юж пура.  
Южгунам Денис йолташем  
дене, ечым чиен, чодырашке  
чымалтына. Мераҥын, пирын кышаштым  
ончена. Кож тўнгыштө сўвызлымө пўгыльмым  
ятыр ужаш лиш. Векат, ур але важыкнер  
тыршат. Вара Денис дене, ўчашен, пик-  
шла мөнгө вельш чымена. Ындыже  
ўмбачна пар веле лектеш.



**Артём ТЕРЕНТЬЕВ.**  
**Морко, Арын.**

**Синк-  
вейн**

Йолташ  
Шыма, чын.  
Полша, модеш, куандара.  
Йолташ – илыш энертыш!  
Лишыл ен.  
**Мадина ШАРИФОВА.**  
Советский,  
Кельмаксола.

**«Ямде лий» 2020 ий 7 март**



*Сүретым чиялте.*

Индекс: П4696.  
Тираж 1150 экз. Заказ  
Формат – А-4-8.  
Тўн редактор Л.В.СЕМЕНОВА.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше:  
[yamdelii.rf](http://yamdelii.rf)

**УЧРЕДИТЕЛЬ-ВЛАК:** Марий Эл Республикысе культур, печать да калык-влакын пашаш шотышто министерстве, «Ямде лий» газет» кугыжаныш унитарный казна предприятий.

Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиим аралымаште законодательствым шуктен шогымым эскерыше Федеральный службын Приволжский федеральный округысо управленийшытыже регистрироватлыме.  
Номер – ПИ №ФС 18-1999,  
2005 ий 10 февральшыте пуымо.

**0+**

Печатыш пуымо жап –  
14-00,  
фактически – 13-00

Авторын да редакцийын шонымышт түрлө лийын кертыт. Серыш-влак мөнгеш огыт колталт.  
Ак – кутырен келшыме почеш.

Редакцийын да издательыне адресше:  
424006, Йошкар-Ола, СССР Вооружённый Вийын 70-ше идалькше урем, 20-шо порт.  
Тел. 8(8362) 45-22-82(факс)

**Сай йолташ**



## Коктын школыш

Андрей Никифоров – ұшан-ле, поро, сай йолташ. Ме туд-дене Тошнер ял гыч Пётъял школыш коштына, 6-шо клас-сыште пырля тунемына.


Андрей сайын тунемеш: кокымшо чырыкыште кок «4» отметке веле лектын, молыжо – чыла «визытан». Йолташем спорт дене пенгыде кылым куча, ГТО нормативым (3 степень) темен. Шуко мероприя-тийышке, конкурсышко ушна, сенышат лийын. Эртыше ийын Андрей «Марий Юнкор – 2019» слётгышто шинчымашы-жым пойдарен. Тудлан чыла-жат пеш чот келшен. Мый йолташем дене кугешнем.

**Андрей МШАРОВ.**

**Волжский, Пётъял.**



Модыш-влакым кычал.



Шомак-влакым марлаш кусарыза.

- 1. Зима.
- 2. Учиться.
- 3. Он.
- 4. Прийти.
- 5. Вкусный.
- 6. Цвет.
- 7. Сегодня.
- 8. Старый.

**Юра МОЧАЛОВ.**


**Советский, Ёрша.**

**Буратинолан полшо: тыште мыняр фигур?**



Ик клатыште витле пырня кия. Мо тиде?


Тиде примерыште кок шырпым луктын кудалтен, чын вашмутым ыште.



## Кө көн почеш?

**Шоналтыза**

Мичи, Миклай, Аркаш, Вачи да Сану музейыш каеныт. Тушко ондак миен шуыныт улмаш. Садлан вучашышт логалын. Нуно почела черетым налын шогалыныт. Мичи покшелан шогалеш гын, Миклай ден Сану коклаште лиеш ыле. А эн мучашыш шогалеш гын, тудын воктене Вачи лиеш ыле. Но Мичи шке йолташыже-влак ончыко шогалын. Тугеже умбакыже кө көн почеш лиеш?



Интернетсе сүрет-влакым кучылтмо.

Балерине сценыш кудо корно дене миен шуэш?